



Allaffeqarfik/Head
Office:
Aqqusinersuaq 31, 1.
sal
P.O.Box 386

3900 Nuuk

Tlf.: +299 32 24 22

Fax: +299 32 57 15

Email: knapk@knapk.gl
Homepage:
www.knapk.gl

Ulloq, 21.11. 2022
J.nr. 11.02.02 / MP

**Aalisarnermut Piniarnermut Naalakkersuisoqarfik
/MAANI**

Att.: APN
Mailadr.: apnn@nanoq.gl

Una pillugu: 2023-imi ukiuunerani tutunniarnissaq aamma umimmanniarnissaq pillugit akissuteqaat

**2023-imi ukiuunerani tutunniarnissamut aamma umimmanniarnissamut piffissaliussat
pisassiissutillu pillugit tusarniaanermut KNAPK-miit akissutit.**

Tuttut :

Umimmaqarfik Ivittuuni tutut amerlavallaalersimammata kissaatigineqarpoq **peqassutsimut
uuttuuttumik** ukiuunerani tututassiisoqassasoq, taamaaliornikkut piffimmi umimmaat tuttullu nerisassaqaarnikkut isumannaatsuunissaat anguniarlugu aammalu umimmaat tutunit inagerneqaraluttuinnarnissaat pinngitsoortinniarlugu.

Aammalu Narsap kommuneqarfigisimasaani tuttuutaasimasut siammarlutik amerliartupiloorput, tassami tutunuk toqoraasoqassaarsimammata. Tutut ima amerlatigilersimapput nunatani qeqertanilu nerisassaqaarnikkut ajornartorsiulerlutik. Taamaammat Piffinni pineqartuni tutunuk ikilisaanissaq pisariaqartut isigineqarpoq, amerlassusiliilluni pisassiinissaq kaammattuutigineqarluni.

Nassuiaat: Narsap Kommuneqarfitoqaani tuutuuteqarfik taamanikkut aallar-timmat eqqaamaneqarpoq piumasarineqarsimasoq tuuttuutit 2000 qaangerlugit ameralassuseqalissanngitsut nerisassaqaarneq eqqarsaatigalugu.

KNAPK-miit ilungersortumik kaammattuutigineqarpoq Aalisarnermut Piniarnermut Naalakkersuisoqarfik Avatagiisinut Nunalerinermullu Naalakkersuiso-qarfik peqatigalugu Nunatta kujataani tuttuuteqarfiup imaluunniit tuttuuteqar-fiusimasup isumannaarnissaa suliareqqullugu, aammalu piffinni assigiinngitsuni taamatullu Aqutsiveqarfik Ivittuuni tutut ajornartorsiutaalernerat aaqqiiviginiarlugu piaarnerpaamik suliniuteqaleqqullugit. KNAPK piareersimavoq Kujataani immikkoortortaqaqfini peqatigalugit ikiutissalluni.

**Naternaq (Piniarfik 1)-imi Ukioq manna qimussimik tutunniarluni aavartoqarneratuut,
ukiuni tulluuttuni qimussimik tutunniarsinnaanerup periarfisseqqinneqarnissaa
sapinngisamik pimoorullugu anguniarneqassasoq ilaasortanit piumasarineqarpoq.**



Umimmaat:

Umimmaqarfimmi Naternami umimmattassiissutit marlunnut avinneqarnissaat sakkortuumik piumasarineqarpoq imaalillugit; Naternami siunnersuutigineqartut ukiuunerani umimmanniartitsinissaq tusaatissatut tiguneqarpoq, taamaattoq Ussuit Nunaani, Ipiutaarsuup Nunaani, kiisalu Eqalummiut nunaani allatut periuseqarluni umimmanniarnissaq kissaatigineqarpoq imaalillugu; Naluneqanngitsutuut nunatani pineqartuni pingaartumik Eqalummiut nunaani tuttut piaqqiorfeqarput, taamaalillunilu massakutuut Naternami makitsilluni pisassinneqartarfirmut akuliutsinneqarnermikkut killilimmik piniarneqarsinnaanerit massakutuut pissutsit itsillugit naatsersuutigineqartussaassalluni. Taamaammat taakkua umimmaat Qeqqata kommunianiit nunatanut pineqartunut ikaartut (kuuk ikaalaaginnarlugu) Qeqqata kommuniani nassuttuup qinnguata tungaani pisassiisarnermut assigusumik piniarneqarsinnaanissaat siunnersuutigineqarpoq, pisassaqarumalluni makitsinissamut ilanngutinngikkaluarluni, nunatani pineqartuni piniarniaraanni akuersissutinik sullissivimmut aalliinnartoqarsinnaatilerlugu. Taamaalilluni umimmaat nunatani annertoorsuunngitsuni tuttut piaqqiorfiinik innarliiartornerat aqunneqarsinnaalerniassammat.

Kalaallit Nunarput tamaat ataatsimut isigalugu **umimmaqarfinnut pisassiiffinnullu tamanut** atuuttumik inuussutissarsiutigalugu piniartunut atuutitsinissaq KNAPK-miit kaammattuutigaarput. Piniarnermik inuussutissarsiuteqartut aningaasaqarnikkut iluaquserneqarluarnissaat pisinnaaqqallugu.

Kaammattuutitut ilanngunneqarput:

Ittoqqortoormiini piniartut piumasaraat ukiuunerani umimmanniartarnerup ullui imatut aaqinneqassasut **November 20-aniit December 20-ata tungaanut**. Ukioq manna december 20-ata tungaanut ingerlasinnaappat iluarisimaarneqassaaq, taavalu 2023-miit tamakkiisumik atuutisilasoq kissaatigineqarpoq.

Taamatut kissateqarnerminni tunngavilersuutigaat ukiuni kingullerni aputitunngittarne-rujussua taamaalilluni iluamik qimusserfissaanani, ullunik qulinik kinguaallatsitsineq iluaqutaasussatut naatsorsuutigineqarpoq.

Kalaallit nunarput tamakkerlugu sunngiffimminni pinialuttartut tuttunik umimmannillu piniarnermi, inuussutissarsiutigivillugu piniartunik piniarfinni assigiinngitsuni ingiarsaarisarnerat annertoorujussuanngorsimavoq. Allaat namminneq pissatik sipporujussuarlugit pisaqartaramik pisamik ilarpassuunik tuniniaasalersimallutik, tamakku tamarmik upernarsaatissaqarput, facebook-kikkummi malinnaaffigineqarput. Aammalu taakkuupput tuttunik umimmannillu tamakkiisumik angerlaassineq ajortut neqqarinnerinnai soorlu quttoqqat kisiisa ilarpassuisa angerlaattaramikkit. Aamma eqqaamanerqassaaq ukiut arlallit qaangiupput kangerlussuarmi sulisut ilaat danskeq umimmappassuarnik toqoraallarmat angerlaassaqaranilu. Tamakku piujuaannartitsinissamik pingaartitsinermut naapertuutinngilluinnarput. Piniakkat suugaluartulluunniit piniartunit aningaasaqarniarnermikkut iliungersuuteqartunit piniakkat iluaqutigineqarnissaat pingaartinneqartariaqarpoq sulissutigiuarneqartariaqarlunilu. Sunngiffimminni pinialuttartut pisaminnik kikkunnulluunniit tuniniaasinnaatitaannginnerat inatsisitigut ersarinnerusunngortittariaqarpoq.

KNAPK-miit ilanngullugu Naalakkersuisoqarfimmut kaammattuutigineqarpoq Umimmaqarfik Naternaq-imi umimmaarukkiartornera pillugu umimmannik kisitsineq suliareqqullugu aammalu pinngortitami suut ajornartorsiutaasut misissoqqullugit, **kisitsisoqareernissaatalu tungaanut**



aasamumiit aallartittumik umimmanniarfigeqqusaanngikkallarnissaa nalileqquneqarluni. Aammalu piniarnermik nakkutilliisoqarnikkut ajornartorsiutaasut ilanngullugit aaqqiiviginissaat Kmmuneqarfik Qeqertalik suleqatigalugu aaqqinniaqqullugit.

Piniakkanut suugaluartunilluunniit killilersuinerujussuaq nunami maani ingerlanneqarpoq, illuatugaatigullu sunngiffimminni pinialuttartut 2021-imi 5205-iusut ilapparsui malitassanik saneqqutsillutik piniakkanik atornerluisartut isiginiarneqarnerusariaqalerput, piujuaannartitsinissamik pingaartitsinerujussuatta aqqani. Aammalu ersarissigaluttuinnarpoq Inuussutissarsiutigalugu piniartut 2021-imi 2097-iusut saniatigooralugu pinialuttartunit tatineqaraluttuinnarnerat allaallumi saniatigooralugu pinialuttartut pisaqartagaaramik innuttaasunut tuniniaajuarnerat ingerlaannalerluni allaallumi facebook-kikkut tuniniaasarnerat takussaaleralluttuinnarluni.

Knud Mølgaard Sisimiuniit ilanngussaa tamaat ilanngunneqarpoq:

"Nattoralinnguup anguniarnikuuvaa qimussimik ukiuunerani umimmanniarternissaq kulturerne pillugu"

Taama kusanartigisumik siunertaqarluni piumasaqarneq kialuunniit assortorsinnaanngilaa inooriusutoqqamik atuillutik piniarnissaminnik toqqaammata.

Akuerisaagamik piniarfissarli nallermat aperisoqarsinnaagsluarpoq kikkut qimussimik piniarnerut?

Uangut Nattoralinnguup ilaasortaasa ajungaaniutigalugu pisassanik pissarsinerat kulturitoqarluk atorlugu piniarniartunik takusaqanngilaga, ila Kangerlussuaq-mut qimusseriarlutik qamuterallannik imal. ATV-t atorlugit piniarput tamanna piniarnermik nakkutilliisup uppersarsinnaavaa piumaguni Hans Mølgaard-rip.

Taamaattumik qulaani eqqartoneqartut isumaqarpuga nalilersoqqitassaasut ilumut piniakkanik killilersukkanik kulturi sakkugalugu piniartoqartassanersoq?

Piniartut sakkortuumik aamma piniakkanik killilersukkat neqaannik tuniniaanikkut unammillerneqarput, uanga tuninniik nammineq inuutussarsiortumiik pissusissamisuunngitsutut isigisannik, piniakkat killilersukkat inuutissarsiutigslugu piniartut piniartariaqarpaat pissutigalugu ikiut tamaasa Umimmaat pisassiissutit apparneqartalerkata piniartut tamakkiisumik pisassiisutini posaqarsinnaannginnerarlugit.

Pisassiisuti tamakkertannginnerinit pissutaaneruvoq namminneq piniutigisinnaasaminnik assartutigisinnaasaminnillu pigisaqaratik pisassinneqartaramik, taakkuuppullu tamakkiisumik pisaqarniartunik noqitsisut pisassanillu apparartortitsisut.

Illuatugaani saniatingooralugu pinialuttartut pisassaat amerligaluttuinnarput unammilleraluttuinnarlutillu tamanna inissaminiinngilaq iluarsisariaqarpoq, pisassat inuutissarsiutigalugu piniartut pisisariaqarpaat unammillerneqaratik.

Avannaani Ilulissaniit makku kissaatigineqarput:

Sisimiut aqutsiveqarfiani aasaanerani umimmanniarnermi Avannaata kummunia pisassinneqartalernissaa piumasarineqarpoq nassuttuumi umimmannut isiginnaartuunnartoqassanngimmat.

Aammattaaq eqqaaneqassaaq nannuttassat pillungit sukataarnerusariaqaralaratta nannunimmi kisitsineq kingulleq ungasippoq nannullu pingajoqqaq piaqqisartullu pisareqqusaan-



nginnerinik peqquteqartumik nanorpassuit takussaasalernikuummata allaammi illoqarfiit ilaanni inunnik ulorianartorsiortsitsisarmata kitaani tunumilu minnerpaamik 20 % timik ilasariaqaraluarneri anngukkusunnarpoq.

Aamma avannaaniit kissaatigineqarpoq Siggummi umimmaqarfimmi umimmannik kisitsisnissaq, tamatuma kingorna pisassiissutaasartut amerlisinnaaner at periarfissaa-sinnaassammat, ilami piniartut takusartagaat naapertorlugit Siggup nunatarujussuani ummimaat amerligaatsiarsimagunarmata.

Nunatat umimmaqarfiunngitsutut isigineqartut ullumikkut umimmappassuaqaleriartortut Soorlu Nuup eqqaatalu umimmaqarfittut isigineqalernissaat piumasarineqarpoq.

Kiisalu piumasarineqarpoq Tasiilap eqqaani nunatat tuttulerneqarsinnaaner at umimma- qarsinnaaneralluunniit pillugit Naalakkersuisut misissueqqissaarititsissasut.

Inussiarnersumik inuulluaqqusillunga
Kalaallit Nunaanni Aalisartut Piniartullu Kattuffiat
sinnerlugu

Henning Dalager
Piniarneq pillugu Siunnersuisooqatigiit
siulittaasuat